

欽定全唐文

欽定全唐文卷七百六十三目錄

李景讓

望春宮賦

南瀆大江廣源公廟記

沈珣

授紇干泉嶺南節度使制

授白敏中邠寧節度使制

授康季榮徐州節度使鄭涓昭義節度使制

授杜琮淮南節度使制

授白敏中西川節度使制

授李景讓襄州節度使制

授韋損鄆州節度使制

授盧鈞太原節度使制

授李業鄭滑節度使契苾通振武節度使制

授畢誠邠寧節度使制

授韋慤鄂岳節度使制

授李彥佐鄜坊節度使制

授崔珙鳳翔節度使制

授韋博淄青節度使制

授裴休汴州節度使制

授李玭鳳翔節度使制

鄭吉

楚州修城南門記

盛均

送建安郡守之任序

桃林場記

人旱解

仲尼不厯聘解

真龍對

黃頗

受命於天說

朱景元

唐朝名畫錄序

程邈

請禁割股疏

蘇絳

賈司倉墓誌銘

欽定全唐文卷七百六十三

李景讓

景讓字後已贈太尉憕孫寶歷初爲右拾遺沈傳師觀察江西表以自副厯中書舍人禮部侍郎商華號三州刺史自右散騎常侍出爲浙西觀察使入爲尚書左丞拜天平節度使徙山南東道封酒泉縣男大中中進御史大夫拜西川節度使病丐致仕以太子少保分司東都卒年七十二贈太子太保謚曰孝

望春宮賦

以春望郊野順時布和爲韵

青門之左兮層宮嶧嶢資睿覽以臨下得嘉名於望春故  
在東以就乎陽位當出震必俟於良辰乃發惠和式遵夫  
月令無勞轍跡自表於時巡其初也度宏規法大壯標上  
苑而獨出儼複道而明望遠天聽以遂於羣生浹皇情用  
交乎四暢鮮颺微扇籠輕靄於高臺淑氣初臨鑛浮光於  
綵仗吾君於是縱目前檻馳神遠郊散晴煙於地表拂佳  
氣於林梢覩青陽之煦然載懷祈穀聽倉庚之鳴矣不使  
覆巢布政有孚宸遊是假察微明於遠嶠睇新綠於平野  
南山之翠色盈前渭水之素光在下蓋將賦籍田於晉代

豈比選吉日於周雅美矣哉蠹雲楣以重疊煥藻井以輝  
潤居高而遠無不臨涵澤而動無不順諒可裨於恭默非  
取樂於崇峻况乎流鶯欲轉初柳生姿懿祥風之習習增  
麗日之遲遲偉鳳闕之樓臺萬邦仰止盼龍鱗之原隰五  
稼惟時聖上所以成化用彰克勤是務元功廓以遐及仁  
術紛其大布斯宮寧泰侈之爲斯望匪盤遊之故既而天  
地叶神人和修文以昭士耀武以止戈然則賦望春之事  
宜乎播大雅而登歌

南瀆大江廣源公廟記

戴禮有之曰五岳視三公四瀆視諸侯古之禮於嶽瀆尚矣在昔夏后氏隨山濬川以畫九州華陽黑水界我庸蜀劍閣之陽益都饒焉岷山導江東別爲沱禹續也瀆者曰江曰河曰淮曰濟導積石桐柏沱水凡四流皆發源注海者也唐天寶六載開元神武皇帝加封南瀆爲廣源公其三者亞焉溯沛滻汗自峽奔荆且北且東百川會同爰及吳楚萬里歸海水府怪神非江不安水物族生非江不金海門二山送我爲滄由岷激沱遠邁無壅斯所謂祇上天而被下土南瀆之爲大也壯矣開元皇帝古禮是式詔曰

惟夏四月肇辰迎氣太守其率祭官祀南瀆於益州設玉  
筐及洗籩罍簠簋既舉幕初獻祝進神左右跪揚我詞其  
文曰維某年歲次月朔閏子嗣天子遣某官某昭告于南

瀆大江惟神包總大川朝宗於海功昭潤化德表靈長今  
因夏首用率常典敬以玉帛犧牲粢盛庶品明薦于神尚  
饗至于今不衰詔之歲歲直丁亥迨及戊寅當大中十二  
年合一百一十有二歲越五月朔辛酉日甲戌臣景讓承  
聖敬文思和武光孝皇帝詔自御史大夫檢校吏部尚書  
尹成都鎮蜀西川又五日戊寅復加檢校尚書右僕射其

他如故凡再命皆以兼御史大夫寵焉秋七月庚午乘輶  
至止遂謁瀆廟惟神盛烈著金石刻他所必見於斯闕耶  
惟神奉大禹之休得蠶蓼魚鳧望帝之勲開明之沒玉壘  
李冰之穿二江嘉而保之沃此黎首水旱不作于今賴之  
赫哉成功其可默耶乃作銘曰

滔滔沱江發自岷山浪溢流飛走峽之荆迨及吳楚百川  
以歸南北東西萬里湯湯電激雷馳水府神宅鯀人陽侯  
世不可窺南瀆之功載主載張陰烈希夷上戴大禹不承  
我唐開元其期先生不容天絕劉宗匪瀆殆而洸洸孔明

鞠躬墮星匪瀆不悲念此下民於萬斯年九穀繁滋我來  
守土敬揚神休以琢豐碑

沈珣

珣宣宗朝官中書舍人以禮部侍郎出爲浙東觀察使

授紇干泉嶺南節度使制

門下周禮將軍以六官參選漢庭拜郡俾九卿迭處出入  
中外發揮聲績選用之重古今所難銀青光祿大夫行尚  
書工部侍郎紇干泉惟爾元和中以文學德行升爲甲科  
貞規藹然雅有公器火化而方知玉性歲寒而益見松心

洎振拂朝纓抑揚官闈章羽儀於省署煥詞藻於綸闈朕  
以瀕江之西悍俗難理輒爾禁掖委之藩條果能宣愷悌  
之風著循良之迹南臺起部無展爾庸所宜將我舊章化  
彼南服於戲朕垂衣裳以臨四海因性分以撫羣生必欲  
叶軌而同文不敢重近而輕遠况駱越故地蠻夷錯居尤  
須謹廉以察封部青綬繫趙堯之印阜幢分鮑永之兵同  
升將壇式表予意爾其往哉勉移風俗不挹於貪泉無使  
珠璣獨還於合浦

授白敏中邠寧節度使制

門下昔孫宏以儒學進身寵兼裂土鄧禹以勲庸著効儀  
比三司是皆內外同規古今所重再揚新命允屬元臣特  
進守司空兼門下侍郎同中書門下平章事充招討山南  
平夏招撫黨項兵馬都統制置等使白敏中才智可以贊  
元功誠明可以匡大務事君惟恐不盡守道惟恐不遜而  
能以無心爲待物之心以無用爲當官之用朕君臨之歲  
首付台衡六更星霜勤節如一自羌戎犯塞師旅屯邊招  
懷莫來征伐無狀爰用命爾往其鎮之果能潛移梟獍之  
心坐絳豺狼之首始自夏半及于秦正大建功勞克寧烽

驛終此誠意非卿而誰今封部旣清是用休爾之討伐馬牛皆散是用罷爾之統臨不移論道之榮更帖持衡之貴纂乃舊事對予勤懷可守司空同中書門下平章事充邠寧節度觀察使

授康季榮徐州節度使鄭涓昭義節度使制

門下彭城重鎮西楚故都壘闢奧區上黨雄寄一則控長淮之津要一則衛洛邑之封疆撫制稱難才謀是急爰得二帥乃建戎麾前四鎮北庭涇原節度使康季榮方面信臣軍旅良將氣振金鼓義激風雲慕耿恭拜井之誠有王

翦請田之計武寧軍節度使鄭涓杞梓宏材珪璋秀質明能燭物利可剴犀挺翁歸文武之能繼叔度循良之美或藝習韜鈐性惟忠義擅威聲於百戰布雄名於五營作鎮邊方克彰勲業或早踐華資夙揚休問騰芳猷於詞園振官業於吏途累膺寄任必流政聲並用推馭衆才蘊幹時器績効旣宣獎擢是命建高牙於徐土移大旆於邢郊用展良能務從委著爾其分莅茲土敬敷國恩嚴號令於三軍信賞罰於百吏使轅門推戴閭井謳歌再膺九揆之榮更峻六卿之命仍兼亞相式寵中權無替前功勉收壯節

授杜琮淮南節度使制

門下星以斗牛鎮臨吳楚有重江複闢之奧實通都大邑  
之雄控制上游儀刑羣后自非台衡舊德廊廟宏材則何  
以膺茲喬嶽之求副彼經邦之寄高選中外無踰碩臣劖  
南西川節度使杜琮間氣孕賢相門襲慶韓安之國器宏  
茂元凱之武庫深嚴禮樂文身守而勿失政刑體要用之  
則行夙振英聲薦登相位廟堂之上有所不爲縉紳之間  
共稱其道象賢祖德嗣美前修體平陽之鎮密暢黃瓊之  
練達自持瑞節作鎮靈關盛有建明衆推理行故疆盡復

嚴道益清夷洛威懷軍儲流衍德政有同於冬日邊封不犯於秋毫朕以禹貢九州淮海爲大幅員八郡井賦甚殷分閭權雄列鎮罕比通彼漕運京師賴之自江已南近聞歲歉黎民稍困流庸是虞思得慈惠之師以行惻隱之德黃霸在位朕無憂焉汝爲司空兼持邦憲慎乃出令以臨其人務遵訓誠勉宏休績

授白敏中西川節度使制

門下寅亮天工旣稱星琯葺寧戎塞頗茂功庸信出入之有勞顧優崇而宜及况梁岷巨鎮全蜀奧區有彭濮之富

饒帶巴峽之險要非圖舊德難洽新恩邠寧節度使白敏  
中嶽降英靈時推才傑周旋文雅城府寬宏久侍禁闈備  
流聲績及居鈞軸頗茂芳猷朕起滯淹網羅賢彥外野無  
孤鴻之響歸軒有連茹之征揚於王庭鬱矣皇士莫匪爾  
績動契予衷洎羌寇憑陵殿茲西土戎醜斂路柵堡相望  
既收功於郇邠宜移旆於井絡於戲勿以地遠而怠於躬  
親無以位高而忽於微細最思後効無替前勞懋哉懋哉  
服我成命

授李景讓襄州節度使制

門下漢制郡守有善政者增秩賜金周官諸侯有聲名者  
加地進律前代令典我將因之天平軍節度使李景讓早  
以文學德行列於四科中舍柔嘉表以堅白直比汲黯孝  
如曾參素懷澹然清節可貴峻風規於臺閣流愷悌於方  
州居爲國楨出作藩柄朕惟憲宗親除狡穴手復全齊付  
任在予敢不祇授以爾事親既孝於我必忠俾之鎮臨果  
茂聲績是用載新社土改築齋壇不可使萃美於東方所  
宜遷仁於南國况荆衡舊服江漢上游天作城池地連襟  
帶昔曹王以法繩封部歲久則弊除于頓以共東征徭人

流而賦在不有斯惠安能理之勉圖官守式副令聞

授韋損鄆州節度使制

門下登壇仗鉞訓整爲先攬轡登車澄清是切膺一方之  
寄任兼二事之重難不有宏才孰允茲選銀青光祿大夫  
守刑部尚書韋損稟天之粹體道之和接物如冬月之溫  
操心若寒松之勁導詞源而不竭泛學海而莫窮久服大  
僚早揚休聞累更中外迭處清崇善政克著於藩方雅量  
見推於朝右朕以天平巨鎮慎擇帥臣割據魯衛之封控  
帶山河之壯臨制綿遠戎旅驍雄非仁惠無以蘇疲人非

威信無以正師律以爾才周物務識洞事先斷自余懷得  
之長理爾其推誠撫士布德安人容易則惠姦苛察則撓  
政害於事者必去無顧慮以妨公利於俗者必行勿因循  
而不決當竭乃力副我知人昇崇班於五兵啟元戎之十  
乘服茲寵渥勉恢令圖

授盧鈞太原節度使制

門下陶唐古郡晉國全服掌北門之管鑰控朔塞之河山  
貔虎連營氐羌萬落用鎮興王之地必求易俗之才果獲  
碩臣允膺謀帥銀青光祿大夫檢校司空兼太子少師盧

鈞玉山當晝水鑑澄秋揣摩政經淬勵心術蘊賢人之大業蹈君子之中庸進取不爭於險夷操尚無移於風雨歷踐華貫早揚淑聲便蕃大僚始終一致屢委戎寄亟聞獻功番禺清紹於隱之江漢愛侔於叔子壺闢所復汙俗惟新解亂繩而有條遷惡子而從化洎佩囊天府受鉞夷門克樹風猷薦舉方策今以塞垣未靜虜族多虞莫善綏懷愈生疑貳道路旣聞於漁奪克殘頗見其鳴張尚念前勞猶寬肆伐爰擇待時之器式觀禦衆之能輟於朝端俾之鎮府爾其賞罰無私德刑公用以清靜之方闡吾聲教以

愷悌之義宣我化條理必成於恩威政無庸於煩紊勉爾  
令典副予知人於戲北虜熾周南仲有往城之績西羌擾  
漢營平陳保勝之方疇其嗣之必有能者寵秩旣光於論  
道恩榮仍亞於台庭以壯戎旃勉服休命

授李業鄭滑節度使契苾通振武節度使制

門下鎮臨白馬介趙魏之封陲地控黑山振羌渾之衝要  
儔茲並命允屬長才前河東節度使李業宗室誠臣幹時  
良傑傳山西之將略襲隴右之家聲右金吾衛大將軍契  
苾通早擅英姿常推壯志挺鶚立鷹揚之操知玉鈴金匱

之書或建旆雄藩功宣保塞或馳輶異俗績茂和戎咸竭  
器能載光任使穆攜謙於大樹蘊風望於長城以爾威足  
靖邊故委以疆場之事政能檢下故授以統馭之權於戲  
整旅訓戎觀風蒞俗仗誠明以懷獷悍布惠化以卹疲羸  
將務息人無或生事明典刑以謹侯度示恩信以洽戎心  
用叶睦鄰宜籌經遠換騎省八貂之貴仍地卿六職之榮  
勉恢壯猷無忝登壇之寄行膺休命用收制閫之功

授畢誠邠寧節度使制

門下太公經武首述文韜春秋謀帥亦啟義府大暢弛張

之道必求通變之才况乎撫易動之羌戎扞難集之關郡  
安邊禦侮斷付能臣權知刑部侍郎畢誠端慤知善文學  
致身氣則沉詳思有高妙早馳榮間亟踐清途該洽憲章  
抑揚臺閣聿來禁署益茂芳猷孔光之溫樹不言王褒之  
洞簫曾諷憲慮必振於遠大抗志不避於重難擢於文昌  
以酬職効強明不滯朕心器之固可以式是師干授之龍  
節况地雄秦塞境壓邠郊壯南牧於盛秋作西陲之巨屏  
是宜平其險難繕彼甲兵貞律臨戎推誠馭衆遠明邊務  
贍關軍儲厚衣食之恩養關之勇稱於無事之日常爲

有備之謀連營苟示於嚴莊種落自當於柔服布我大信  
深伏親規於戲竇嬰賜金不爲廊廡之有營平積粟免煩  
餽輓之勞減費惠人於斯爲急節宣柄任稱朕意焉貴視  
漢貂榮兼趙印茲爲寵數以耀啟行

授韋慤鄂岳節度使制

門下王者建諸侯以鎮撫方域立將帥以藩屏皇家受任  
惟難選命斯重而况控三江之黎庶總六郡之賦輿必得  
兼能乃膺成獎前鄭滑觀察使韋慤紳冕令才人倫粹器  
業光經濟道茂溫恭蘊冒雪之貞姿挺發硎之利刃自馳

聲詞苑耀價儒林雅範蘭馨詞雄綺麗踐更華貫揚厯顯  
途懿効彰明布於臺閣洎職司誥命參貳春官業彌振於  
訓詞道愈光於得士及再遷會府休聞尤彰由是嘉乃良  
才俾升節制流美化於洪河之曲布威聲於白馬之津宜  
舉寵光用酬休績乃眷夏口實曰雄藩通波遠接於荆衡  
作鎮式臨於漢沔由是再新戎旆改築齋壇興滑臺之詠  
歌慰鄂渚之黎庶爾其以信義爲理本以賞罰爲政柄法  
亞夫訓旅之術以肅轅門採龔遂理人之方以清郡國崇  
秩兼寵無易舊恩勉乃令圖勿替前志

授李彥佐鄜坊節度使制

門下撫千里者必仗於誠信統三軍者固資於良帥况地  
雄鄜畤壤接王畿總貔武精銳之師制犬羊雜種之俗聿  
求上將以鎮近郊守太子少傅李彥佐夙負雄明早通軍  
志生知忠義旁閱詩書計擬六奇功高百勝聚米而山川  
可料變幟而壁壘盡傾奮廉藺之明謀蓄關張之妙用頃  
者常膺獎任累踐藩垣信洽戎夷愛深師旅有馭衆安人  
之効著在邊方有廉平貞慎之規騰於朝論自避榮私室  
物論尤歸朕以雕陰重藩羌渾小擾蓋由乖於撫馭遂失

和寧思得長才往圖鎮理爾其敷我恩信戢其猖狂靜彼  
戎疆用資壯略於戲廉頗雖老尚請臨戎李牧居邊未嘗  
生事遐觀前舉勉副檄獻榮加五教之尊仍帖三臺之貴  
服茲休命無忝寵光

授崔珙鳳翔節度使制

門下乃眷岐陽襟汧擁漢古稱右輔以扶助王圻今爲別  
京以屏翰戎落載煩元老往撫舊邦實資經國之謀高副  
安邊之寄守太子少保崔珙稟粹嶽靈挺生國戚門容駟  
馬族盛八龍胷襟洞開智略輻赴早以茂業踐於台衡宣

力致君有犯無隱怙叔敖之喜愠體伯玉之卷懷洎服休天朝保釐洛邑誠明之道華皓不踰能全素履之真雅得大臣之體方叔之猷克壯師尹之望攸歸朕以保塞禦戎深圖良算餽軍艱食常在勞懷由是渴王商之儀刑佇營平之籌畫伏蒲之奏前席忘疲旣符咨讞之求宜舉齋壇之典自閩以外爾實專之斷守宏才庶集吾事勉敷恩信務洽華夷且慰恩思善圖政柄峻槐庭之禮命寵茅社之侯封服我徽章敬茲有土

授韋博淄青節度使制

門下乃眷營邱表於東海富強號千乘之國繁雜聚四方  
之人假上將之威權壯中軍之垣翰將疇閫寄必在信臣  
守尉衛卿韋博文苑騰芳儒林擢秀襟靈曠遠風度詳閑  
周通爰表於器能強濟式彰於事任早以重價踐遷清途  
諫垣流譽謗謗之名通邑擅神明之稱頃自移曹九棘緩步  
八磚冲澹安身卷舒惟道應茲圖任允叶僉諧懿彼全齊  
實爲右壤禹貢別九州之盛海濱綜五郡之雄昔周命太  
師漢封韓信啟土用申於帶礪分茅克懋於藩維選任之  
隆古今攸重於戲平仲盡規之節夷吾當俗之方經堂阜

而徽猷可循指牛山而忠讜如在餘波未泯遺愛斯存禮  
節既洽於里閭風謠尚傳於古老爲政之暇無忘諮詢盛  
鐵馬於師壇帖金貂於騎省祇膺成命勉服寵光

授裴休汴州節度使制

門下將相大臣中外迭任入奉股肱之寄出爲藩翰之雄  
無爽具瞻式彰注意金紫光祿大夫守中書侍郎兼戶部  
尚書同中書門下平章事充集賢殿大學士上柱國河東  
縣開國子食邑五百戶裴休氣稟靈夢叶巖瑞威鳳孤  
翔於玉圃仙鶴獨步於芝田學精典墳文緯邦國自彤庭

對策諫列升班粉署擅貳卿之榮綸闡迴五字之妙洎司  
饋運整葺牢籠策畫每得於親聞功庸必見於顯勑章程  
軌範厯試無差是用付以權衡宜承任委咨之遠略炳然  
大綸四后協心萬邦繫爾今百度有截庶績其凝前時屢  
以疾辭猶煩卧理豈無優賢之道因遂由衷之意乃眷梁  
苑實爲重藩荒大東於周疆接小沛於漢壤富庶將及悍  
勇無譁仁化已洽於一方清風漸扇於全境閉關自固懸  
厥不鳴可伏台臣寘之靜理爾其踐厥位暢厥庸侯服旣  
增相印不解輔弼莫繫於遠邇聲容暫間於朝昏敬哉戒

哉服我重命可檢校戶部尚書同中書門下平章事使持  
節汴州諸軍事行汴州刺史充宣武軍節度副大使知節  
度事汴宋亳等州觀察處置兼亳州太清宮等使散官勲  
封如故

授李玭鳳翔節度使制

門下秦之舊都漢爲右地扼戎疆之要害作上國之藩籬  
旁聯封畿前抗巴蜀其所受任必擇忠良刑部尚書兼宗  
正卿李玭生王侯之大家傳帶礪之盛業夙負才術顯於  
官名周旋令圖佩服義教信以自立誠而致明北海著輯

睦之規南方流愷悌之化潔清知已寬猛協中連委翰垣  
載高理行朕心所屬物議與能洎擢處月卿掌我天旅不  
忝維城之寄副予同姓之求今以昆夷來朝願納故壤將  
復河湟之境必資整訓之方遂結疆塲付爾汧隴於戲惟  
昔乃祖曾顯是邦勿隳貽謀光膺分閫兼尹正察廉之重  
帖文昌憲府之崇勉副家聲以酬殊獎

鄭吉

吉大中時人

楚州修城南門記

今上元年春正月楚州新作內城之南門何以言新因舊之云也何以言作更從王制也王制若何曰天子諸侯臺門也何稱內城別於外郛也春秋傳曰南門者法門也南面而治者政令之所出也楚大邦也日者草創南雖設譙門卑且陋但闔兩扇爲露棚於前振軍旅焉露棚不能蔽風雨亟理而亟壞由是刺史兼御史中丞李公新作之公名荀隴西成紀人用文學德行進嘗言於賓客曰走前爲戎曹郎白於執政曰太平時天下有府兵今散矣而折衝果毅郎將戍官等輩尚冗食焉艱難後天下有府兵而軍

籍多空名庫兵皆剝腐安不忘危易道也有備無患軍志  
也晉室尚清言胡馬謔河洛天寶怙富庶燕盜腥中原職  
司其守言非出位幸相公財之當時執政雖似不爲意他  
日揖走於列曰沂淮而上達於穎而州兵之益團練者纏  
聯五郡焉楚最東爲名郡疆土綿遠帶甲四千人征賦二  
萬計屯田五千頃凡兵賦食三者相通也公嘗亟言兵願  
試鋒穎焉召對延英得列以聞可脂轄矣故遂授銅虎符  
竹使符來此公始下朱轓遠視城洫簡兵甲閱卒伍若不  
適於意者楚人再無歲負租逋穀甚多乃去鄉胥之啄害

良民斂賦與之緩期人戴其惠征租力人入矣得善用籌  
者勾稽公物之出入抉負財且二百萬俾軍吏之敏察者  
覩公田之稼得將隱謾之穀不翅萬斛掌公財而坐於市  
占軍籍而蔽其家計其入僅足其廩食牧財而斥其人外  
廄有征馬雖不滿四千蹄而藁粟脂藥之用圉牧將卒之  
列繁且耗公曰幸天下無事就有道而此悉罷去之月省  
費三萬藏有備財矣乃完補卒伍乃犀利甲兵乃飫飽吏  
士乃恢崇規制掾曹有公膳牙門有常饗胥吏有官厨衛  
卒有給食合而言之曰廩食錢者三百七十人先是以歲

用不足常自正月迄于仲夏凡曰廩食錢者皆半之俟斂  
新賦而后復之或災沴水旱賦不畢入亦終歲不復公曰  
寧損他費焉有責其盡力而使之歉復耶悉賙之仍筆於  
檢日用約若今歲後或不易羊羹之敗其無虞乎由是吏  
胥醺其德將卒許之死矣士伍寒燠有若賜衣詔以歲貢  
征緝賦之嚮者泉輕而幣重賦之以帛而士得其贏今也  
泉重而幣輕猶賦之以帛官受其利公曰吾心有不安焉  
盍賦之以緝苟不足卽與帛而時其物之價而直之旣聞  
令謹聲動壁壘皆曰有君如此使我蹈水火可也乃新南

門嶺然而樓增以舊五之二焉割爲雙門出者由左入者  
由右夾築高阜類觀闕而非者九軍壘皆爾命之曰却敵  
慮廬土之喜陂陁也鱗臂而塗固之周施檻楯其賜也建  
大旆鳴笳鼓以司昏曉焉其雨也卷旆援枹於樓中以謹  
擊柝以嚴教令以壯都鄙以張軍聲爲理若此足塞執政  
之云兵賦食三者相通試鋒穎之說矣凡畚築攻木瓴甓  
塗暨者無慮備於軍伍而州閭人皆來縱觀耳旣休役勞  
工顧謂吉曰子學舊史願爲我記日月不願黼飾空言曰  
古者國有史舉事必書國有詩王者採之知其國之風自

秦郡縣天下史之與詩皆止矣獨有銘功記事文之金石者近於國史國風之類歟然言之不文不能播遠請將俟作者公曰否子焉用辭既不得命乃考三寶以書往歲有將作少監李姓陽冰名善籀書尤工爲大字瑰碩多力郡邑省寺得其署題者榮而葆之大歷中客有楚因大署州門昔人措之於西偏至是公易之於南門以表揭遠近或曰宏制異蹟公相期於數十年間斯盛事也不可以不識故著之於末仲春貞陵復土羣臣上言請御端門赦天下改元上思慕未許故猶以大中紀年十四年四月二十一

日謹記

盛均

均字之材泉州南安人官昭州刺史

送建安郡守之任序

大禹分九州之產生物各有其處獨人之善惡無區別之地是聖人知民心牽於所化也夫理有風而化有本國者風帝王之理邦者本牧守之化二漢以還風化相蕩貪波教漲人不棲身故有得一郡若豪虎之暴豚羊焉猛既有餘化宜不善也有唐洗叔世之弊惟牧守不新其規實乃

知風化之本未可移去然則祿食者任國不務其理爲邦  
不敝其化愚而不知夫祿食之道也惟閩嶠拔一臂西指  
則建安在焉其郡襟山而東水其人猱黠而易隨等閩之  
支屬特稀聞善化者得非地深法蠹會歛無時猾吏坐恣  
姦欺黎庶日爲蜂蠭哉皇帝遠懷疲俗樂有嘉政使君前  
刺三郡雅稱善化今茲東授必能伸病俗以紓重寄矣將  
期後賀特以序行

桃林塲記

唐武宗二年余遷斯境其塲由四十里右協精廬前距危

岫形拘勢促不似公門故其人輕而險其官屑而殘時非  
厭遷殆有數也今已卯年觀季父于此視塵里若巨邑覽  
風物如大邦鱗鱗然廨宇之羅靄靄然煙火之邦一派趨  
碧羣峯走青橫飛而野鶴冲塵曠望而晴郊遠去是以俗  
阜家泰官清吏閑凌晨而舟車競來度日而笙歌不散故  
知興廢有時吉凶由地不然何勞於舊宇而逸於新亭耶  
吾友王顥字還古鶯泊未遷祿爲親屈莫邪曾試犀象無  
金是年冬枉車再至蓋有爲也先是知予謀展觀視驃謁  
簾幙去纔旬月歸諧素志知還古不日青雲暫適我願耳

徒服其所刊變風易俗嘗聞期月之內變爲大縣乎是亦斯場人士之所願也其他故事前記已詳其或加予未可無述

人旱解

涒灘歲越垠曠旱塞諸陽遷市不雨祈山川庶神又不雨  
觴土龍舞巫覡愈不雨或言邦有術人能捕退龍而譟之  
昔歲嘗然農剩其澤及召術人至而旱色如故太守怒亟  
命擒之術人遁去矣其遺囊有書一幅目曰人旱旱有三  
曰天旱國旱人旱曷爲天旱塞陽肆凶下土祇慎雖六七

歲黎人不饑曷爲國旱君道熾災德涸仁枯貪風暴氣蒸  
爲時癟曷爲人旱邦燬其政吏賊其行千里人心燥不爲  
陰夫天旱求諸仁仁洽而時豐國旱求諸德德潤而澤流  
人旱求諸政政清而俗阜今貨遊於上刑驥於下百姓焦  
愁結成恨暑所謂人旱者也邦守不清其政而逮龍貨雨  
是猶乘櫂適海豢羊望翼於何可冀乎太守得書增怒是  
歲自正月不雨至於五月明年殍死者數千人而太守亦  
以財禍

仲尼不厯聘解

學者多稱仲尼厯聘不遇吾謂仲尼觀禮行道不厯聘不遇吾謂仲尼觀禮也夫二國交驩曰聘以臣使於君亦曰聘男輸財於女國駕帛於士皆曰聘故無財與無君國之命不曰聘也當德蝕衰周道徂七國蓋仲尼傷禮樂不起是以學韶於齊求師於周將欲鑄義以鏡國張仁以羅俗使明苟爲宗資也且去魯適衛蓋辭在於仕矣自宋之鄭殆非臣矣絕糧於陳蔡亦無財矣官至司寇果不爲士安謂聘哉吾聞夫子觀夏道則之杞觀殷道則之宋較是而言雖他國可知也安謂厯聘哉

真龍對

客有抽時賢待已之禮舉葉君愛龍意於座曰葉公好假而憚其真誠然乎均曰卽飛出丹青者殊未真翔來庭宇者愈假矣何則夫靈濟於物無求於物無求於人實龍徒也今聞葉公鱗畫其象則摹形趨之是欲滋乎豢育宛蛇魚類耳真烏在哉曰然則擾於夏鬪於鄭者非邪曰妖而怪所以幽王者子產不禮焉率假物矣彼其真龍者道能神化其流多派或蟠於天或巢於田或翼於人或爲馬或爲劍有侔於此靡徒不居其在天也機紐陰陽不蹉厥

常其在田也瞻腴疆土庶彙蕃廡其在人也珠媚心瀾呀  
成智門其爲馬也匝體柔油徧崇九州其爲劍也鬼淚淫  
涇秋江萬華至如挾雲則十雨時濡衡照則三光遞舒是  
羣龍也繇古今而不僵渥生人以無倦聖賢在上將利益  
於物天下無道必亢悔於時豈獨矯矯欄端露威於葉公  
而誇爪喙哉是謂妖怪假物也客皺眉而俯不復抽言

黃頤

頤宜春人會昌三年進士官監察御史

受命于天說

孔子曰唯天子受命於天士受命于君故君命順則臣有順命君命逆則臣有逆命嗚呼君人者得不鑒戒於是言乎王者將順天行道而臣下自修德矣苟逆於天命而臣下隨所化矣然忽湯文居其下則將因是逆以原於德搖民心於宇內爲其上者無危乎故爲君不易而作臣者知難不易則德明知難則畏命是故夏殷周秦漢魏晉宋齊梁陳隋末之爲理內逆於心外亂於身豈不以受天命者耶故夫十二朝之亡也十二朝之作矣雖小民女童必知其過矣何者爲君以爲賢爲臣以爲然常不觀于前無慮

于後大渙一時之榮而已矣厯以度之咸失於此嗚呼君人者得弗鑒戒於是言乎

朱景元

景元吳郡人

唐朝名畫錄序

古今畫品論之者多矣隋梁已前不可得而言自國朝以來惟李嗣真畫品錄空錄人名而不論其善惡無品格高下俾後之觀者何所考焉景元竊好斯藝尋其蹤跡不見者不錄見者必書推之至心不愧拙目以張懷瓘畫品斷

神妙能三品定其等格上中下又分爲三其格外有不拘常法又有逸品以表其優劣也夫畫者以人物居先禽獸次之山水次之樓殿屋木次之何者前朝陸探微屋木居第一皆以人物禽獸移生動質變態不窮凝神定照固爲難也故陸探微畫人物極其妙絕至於山水草木粗成而已且蕭史木鴈風俗洛神等圖畫尚在人間可見之矣近代畫者但工一物以擅其名斯卽幸矣惟吳道子天縱其能獨步當世可齊蹤於陸顧又周昉次焉其餘作者一百二十四人直以能畫定其品格不計其冠冕賢愚然於品

格之中略序其事後之至鑒者可以詆訶其理爲不謬矣  
伏聞古人云畫者聖也蓋以窮天地之不至顯日月之不  
照揮纖毫之筆則萬類由心展方寸之能而千里在掌至  
於移神定質輕墨落素有象因之以立無形因之以生其  
麗也西子不能掩其妍其正也嫫母不能易其醜故臺閣  
標功臣之烈宮殿彰貞節之名妙將入神靈則通聖豈止  
開厨而或失掛壁則飛去而已哉此畫錄之所以作也

程邈

邈天成四年官主客郎中知制誥

請禁割股疏

臣聞身體髮膚受之父母不敢毀傷所以樂正子春下堂傷足三月不出而有憂色民間多有割股上聞天聽者伏以堯代則共推虞舜孔門則首舉曾參皆以至孝奉親不聞割股肉療疾或真有懷怙恃之感報劬勞之恩孝起因心痛忘遺體實行此事自是人子之常情不合鼓扇聲名希霑卹賚伏惟陛下道齊覆載孝治寰區漸致昇平全除矯妄乞願明勅徧下諸州更有此色之人不令舉奏所冀眞誠者自彰孝感詐僞者免惑鄉閭咸歸樸素之風永布

欽定全唐文卷七百六十四目錄

趙造

中大夫行內侍省內給事員外置同正員上柱國

賜緋魚袋王公墓誌銘

并序

裴坦

貶溫庭筠勅

王龜

陳情表

姚礪

一

大唐潤州句容縣大泉寺新三門記

并序

崔立

莊憲皇后山陵奏

蕭鄴

大唐故吏部尚書贈尚書右僕射渤海高公神道

碑

嶺南節度使韋公神道碑

李涪

刊誤序

裴敬

翰林學士李公墓碑

裴素

重修漢未央宮記

欽定全唐文卷七百六十四

趙造

造官通直郎試大理評事

中大夫行內侍省內給事員外置同正員上柱國

賜緋魚袋王公墓誌銘并序

公諱文幹字強之其先卽秦將翦公之洪允也自時厥後子孫衆多文能出羣武蘊異畧貴則善虜其將戍乃下筆成龍功業居高名施於後秦霸天下斯皆王氏之力也遂使高秋朗月瀚海澄波諸屬難儔家世雄盛皇朝中散大

夫內侍省內侍賜紫金魚袋奉詔和蕃使兼安西北庭使  
諱奉忠公之曾王父也德重名高情見義立西戎斂迹不  
敢東窺北狄戢羣不敢南牧內侍省內侍賜紫金魚袋內  
弓箭庫使奉天定難南朝元從功臣諱英進公之祖王父  
也義勇冠時見危致命親承聖旨獨步中朝右神策軍散  
副將雲麾將軍試殿中監奉天定難隨駕南朝元從功臣  
諱臣端公之烈考也功高位下命不待時慶流有徵果有  
令子榮高處厚德抱雄圖公卽雲麾將軍第三子也憲宗  
踐阼時公年始童舞入趨紫闈出踐丹墀敷奏詳明鬱爲

俊彥遂拜供奉官恪居官次務謹去奢臨事無渝爲官不昧斯乃沖天逸翰出潤喬松錫以朱綏之榮帶以銀章之命改梨園判官奉八音之禮專五菓之名藝就日新功勤益著遷鷄坊使剪拂珍禽在鬪自我羽翼奇特利用絕羣每蘊能名誰之與匹轉宣和殿使載離寒暑日往月來每候鑾輿晷刻無失金石磨而不磷璧玉琢而彌堅政軍器監判官專任武庫奠體有程幹苛必時實謂戎備尋遷左神策軍宴設使庖厨有節饗餼無遺修饌必善於精華宴飲實慙其醉飽鎮幕歌晚坊局施留拜同官鎮監軍地居

畿甸鎮壓要衝路接塞垣命之監理虬龍豈與蚯蚓爲伍  
鸞鳳難可枳棘長棲時當用才俾之密侍依前充供奉官  
使於四方善能專對利於一事罔不克堪未幾息車改裁  
接使公墾園樹菓殖地生苗供億猶勤庶事無闕有司惜  
才戀德公乃布義行仁開成五年詔遣充新羅使拜辭龍  
闕指日首途巨海洪波浩浩萬里一葦濟涉不越五旬如  
鳥斯飛屆於東國王事斯畢迴擣累程潮退反風征飄阻  
駐未達本國恐懼在舟夜耿耿而罔爲魂營營而至曙鳴  
呼險阻艱難備嘗之矣及其不測妖怪競生波濤潯而滔

天雲鑾驛而蔽日介副相失舟櫂差池毒惡相仍疾從此  
起扶持歸國寢膳稍微藥石無功奄至殂謝享年五十有  
三會昌四年歲在甲子夏四月薨生五葉日終於京兆萬  
年廣化里私第雖違三月之期終遂九原之禮是歲冬十  
月十五日葬於鳳城東龍首原禮也嗟乎命之不偶李廣  
豈遂於封侯梟在官門士衡終聞於歎鵬公婚於滎陽鄭  
氏克諧琴瑟相敬如賓有子三人男曰義仙義立女適齊  
郡史氏孤子銜恤茹荼哀號罔極恐田成碧海谷變爲陵  
片石未鐫防墓何辨用憑不朽之石以誌永存之詞銘曰

猗嗟大夫短折不祿厯事五朝白圭三復賈誼促齡士衡  
歎鵬許國一心居家可理善則稱君過則稱己君臣道合  
如魚如水嫉惡如讐見善必遷愛如冬日畏若夏天臨官  
廉平無黨無偏奉命出使汎海東夷洪流混濬陽鳥攸危  
大波汨起天地變移王事斯畢車騎辭迴臨達本國魑魅  
爲災幽魂何往遊岱不來聯縣經歲四體轉衰辭恩處順  
闔門銜悲吾將安仰哲人其萎美玉永沈寶劍斯折聖心  
哀慟孤子泣血福祚長存恩光無歇

裴坦

坦字知進第進士累官禮部侍郎授江西觀察使華州刺史拜中書侍郎同中書門下平章事卒

貶溫庭筠勅

勅鄉貢進士溫庭筠早隨計吏夙著雄名徒負不羈之才罕有適時之用放驛人於湘浦移賈誼於長沙尚有前席之期未爽抽毫之思可隨州隨縣尉

王龜

龜字大年宰相起子大中末拜兵部郎中知制誥咸通末改太常少卿檢校右散騎常侍同州刺史徙浙東觀察使

爲盜所害贈工部尚書

陳情表

臣才疎散無用於時加以疾病所嬰不任祿仕臣父年將九十作鎮遠藩喜懼之年闕於供侍乞罷今職以奉晨昏

暮開成時鄉貢進士

大唐潤州句容縣大泉寺新三門記

句曲之東實曰崙峰居峰之陽厥生大泉寺因泉而題焉  
後劉宋昇明二年有邑令顏繼祖捨宅移寺南去泉五里

而遇年代寢遠碑記埋沒粗所詳者乃顏氏十三代孫今  
寺之惠誠也太和初監寺僧惠明與寺僧道琳等見三門  
破壞乃言於衆曰此教東流設象爲法牢落如是瞻仰何  
依乃請今寺主僧常誼昔旅於是者戮力誓心募緣祈化  
如響斯應人咸歸之遠近趨走投施香積算財度費功用  
果足乃革舊制恢新謀延袤縱廣中闕無改自太和庚戌  
至於癸丑凡四年厥功告成崇軒峨峨三闔其門飛簷翼  
張丹栱霞煥矧茲寺以重岡疊嶺采入崖谷行樹葱翠煙  
蘿蒙密雲收霧卷宛若仙闕俾得道者同指歸於覺路由

徑者詎深著於迷途非我師之志誠其孰能逮於此今天下學佛道者多宗旨於五臺靈聖蹤跡往往而在如吾黨之依於孔門也誼本鄭人冠歲因往遊焉遂剃髮於五臺金閣寺元和再歲乃於渭州龍興寺依年具戒振錫經行見色相之皆空識衣珠之無價又六年始到江南初止於近寺蘭若其明春又之嶺南詣禪訪道酌水步雲心契如期不遠千里十一年遷至茲寺初寺每有僧俗大會五十餘衆號曰龍華常患鑄金之器不周於用物有所闕人多告勞誼乃發願鑄一大鍍求布金之長者得鎔範之良工

歸依一念之間成就堅牢之質濩落有用碩大無朋使天人畢會於龍花香積普沾於法味由此故也寺衆僉曰誼實有力於寺者非宿習德本沾諸善緣豈能誘掖羣心終成喜捨太和初歲乃聞諸府邑請隸名焉縣是三門游興功致一貫則誼之行業前修推可鏡矣人有語余於師爲文者誼因錄所載請識門焉寺之備新記詳矣辭曰

寺之興大泉是生感沸猶在旣溫且靈寺之移顏氏之基宋室舊邑桑野離離寺之終誼實是工大鼎渠渠三門崇崇煙霞棟梁松桂香風匝匝巖壑警迷其鐘文入於石播

之無窮

崔立

立官雒縣令充採訪判官拜監察御史

莊憲皇后山陵奏

伏准正月二十九日勅除陵寢外其並約莊憲皇后山陵  
制度者伏以莊憲皇后合祔豐陵不別置宮寢今義安皇  
太后於光陵東別擇陵地與莊憲皇后祔禮不同其宮殿  
并諸色官員等今與詳定官等同商量伏恐合議建置

蕭鄴

鄴字啟之梁長沙宣王懿九世孫及進士第大中時累拜  
戶部侍郎以工部尚書同中書門下平章事懿宗初爲山  
南東道觀察使厯戶禮二部尚書拜右僕射以平章事節  
度河東卒

大唐故吏部尚書贈尚書右僕射渤海高公神道  
碑

公諱元裕字景圭六代祖申國公諱士廉皇朝闕二字中尚  
書右僕射有仁儉之闕二十字在陶唐氏闕五字以隱  
德起爲周文王師者號爲太公望始受封於呂子孫世仕

於齊

闕一

一世孫公子

闕二

孫字

與管敬仲俱爲齊上卿

合

闕一

侯有功

闕十

廿七世孫洪

闕二

後字

闕二

爲渤海太守因

家焉高氏故著

闕三

平字

闕四

後魏字

闕二

錄尚書事生岳北

齊侍中封清河王生敬德開府儀同三司改封

闕一

安王

申公

闕三

之令

闕十

皇朝字

闕一

州長字

闕三

之行字

闕二

曾祖

諱

闕二

州餘杭令贈尚書戶部員外郎大父諱

闕二

祕書省

著作郎贈右

闕二

大夫皇考諱

闕一

太原少尹兼御史中

丞

闕十

之少子也幼而穎悟及長魁岸秀發弱冠博學工

文擢進士上第調補祕書省正字佐山南西道荆南二鎮

爲掌書記轉試協律郎大理評事攝監察御史入拜真御

史轉右

闕四字

侍御史

闕五字

豪舉

闕一

拜司勲員外郎轉吏

部員外郎公之佐山南西道也節度使崔公從以清明藻鑒推重簪組洎公抗揖上席雅望益洽及登御史府好爲

犖犖事自荆涉

闕十

急宣居常摧秣在櫪廄吏多

闕四

條

制爭

闕二

客

闕一

呵

闕一

導者必恐遽恇迫授以驛馬不敢問積習爲弊刺史不能治有道士趙歸真者長慶初用

黃老祕言得恩倖

闕二

旁

闕二

言

闕一

怪在驛

闕四

自給

時公方徵入遇歸真於途連叱之謂曰汝妄人耳天子置

驛馬俾爾鼠輩疾驅耶且黃冠驛馳用何條制顧左右牽  
字闕一之歸真沮撓不敢仰視闕四以闕五歸真闕四聞者

憚焉公之爲柱國也當寶歷初天子年少新卽位事多決  
於內或坐朝頗曠旬朔大臣罕得闕一謁公上疏指斥極

言闕二中外之闕一以鎮闕五公闕三之侃然公之爲吏

部郎也精闕一簡峻胥徒闕一戢若踐刀戟未竟南曹事

會與銓長以公事爭短長剛憤不能下請急闕六道除左

司闕二遷闕四中書舍人公之爲諫議也屬朝廷多故李

訓鄭注貽禍闕一亂欲先立威定事公察其必變銳以勁

闕二其頭角章疏闕一

上文宗知而不能用及爲中書舍

字

人逆注益用事注初以藥道進至是

闕一

然以才望自居

字

會注遷秩闕七揚其闕三狀注方倚恩自大患不能堪遽

字

出公爲闕一州刺史注敗復入爲諫大夫兼充侍講學士

字

等兼太子賓客文宗重儒術尊奉講席公發揮教化之本

字

依經傳納上傾心焉闕八筵闕二爲闕四護之授闕一公

字

通經文雅任職而操軾闕一濟素重朝廷上復欲

闕一

之未幾擢拜御史中丞兼金章紫綬之錫公正色立朝

字

百吏震肅闕一暑闕七下闕二僚吏率多闕三獎體闕一

字

不篤濟辨

闕一  
字

倪甚威邪朋自遠班行相顧聳動屏息議

者以爲風憲振職自元和以來惟公爲稱首進尚書右丞

改京兆尹未幾授左散騎常侍遷兵部侍郎轉尚書左丞

知吏部尚書銓事會恭僖皇太后陵寢有日充禮儀使公

爲左右轄也郎吏籍公岸谷之峻皆砾

闕四  
字

事迎理及銓

綜衡鏡之務挾奸與善如見肝膈猾吏

闕一  
字

勿又

闕二  
字

竄

闕一  
字

記

闕一  
字

爲防

闕二  
字

迷視聽公指摘

闕一  
字

病是非立辨

闕一  
字

使

闕一  
字

兼

闕一  
字

入拜吏部尚書

闕五  
字

懿

闕十  
字

爲

闕二  
字

使

闕二  
字

一

闕二  
字

尊改宣歙池

闕一  
字

標

闕一  
字

爲成憲迄今賴焉不杖一人九流式

闕一  
字

一

闕一  
字

闕四

闕四  
字

使

闕四  
字

兼

闕一  
字

闕四

闕四  
字

入

闕四  
字

拜

闕一  
字

吏

闕一  
字

部

闕一  
字

尚

闕一  
字

闕五

闕五  
字

懿

闕十  
字

爲

闕二  
字

闕二

闕二  
字

使

闕二  
字

一

字

事遷檢校吏部尚書山南西道節度觀察等使公友睦

清約車服飲食比寒士而

闕二字

吏

闕二字

奉

闕二字

公

闕二字

汲汲如

嗜慾居一室凝塵積機澹如也

於宛陵闕二字

二郡理於漢

南闕二字

八郡化率用

闕二字

興利除害刊爲故實在漢南奏

免闕二字

一內積年逋租七千八百餘萬貫節用而已公私

闕二字

百姓闕二字

之初公自侍講爲御史中丞文宗久

闕六二字

內

舉母兄少逸上喜納而遂其志少逸果能

闕一二字

二帝三王

之業發明

闕二字上益敬重

闕三字

者咸謂公以誠事君者也

愛闕二字

不忘舉其親舉其親不忘存其義眉壽景福

闕三字

歸公爲闕一 州之五歲慨然有懸車之念累章陳懇故復

字

有闕四 字闕一 卽日渡江將休於闕二 行闕一 大

字

中四年夏六月廿日次於鄧無疾暴薨於南陽縣之官舍

享年七十六上聞撫機震悼廢朝闕一 日闕七 年十一月

十日歸葬於闕一 南府闕二 縣闕二 之南原以李夫人合

窆從祔於闕一 府君之兆次闕二 公前娶隴西李闕一 吉

字

州刺史宣之女也再娶京兆韋氏鄭國公孝寬七代孫闕十

字先考司徒府君闕二 祀席闕三 國太夫人闕一 氏陰教

字

修備及公貴闕五 服闕四 哀榮之禮渥縗矣闕一 子闕一

字

一人曰璩李出也進士擢第試祕書省校書闕一文行闕  
字記曰有大德者必得其祿其位其名其壽闕一公始終  
可謂全闕二字銘曰

烈山之闕三太古闕十功錫姓申公嗣興闕二佐命闕三

赫闕二秀令降闕一公生闕五爲闕一師闕一爲甘資闕六

字二闕一行茂闕三高終賈霜闕一迴闕九政嚴官闕二

競翫闕一我敦德義時闕十一大羹闕一一味闕九妄闕七我

堅豸闕一大方闕二以闕三禁林密侍講席陪升因經納

誨承問闕一能輔道闕七以闕二十多闕五

嶺南節度使韋公神道碑

韋氏之世系尚矣陶唐氏之後有國冢韋者實爲商伯周衰遷於楚之彭城漢興韋孟爲楚元王傅縣孟五世至丞相賢韋氏遂顯大賢封扶陽後徙平陵及子元成別徙杜陵子孫家焉遂爲京兆人云元成生寬寬生育育生後漢尚書令浚浚生梓潼太守豹豹生東海相著著孫胄仕魏爲詹事胄少子曰穆後著號爲東眷八世至隋郁城莊公諱元禮距四世入唐有爲陝州刺史者諱岳子於公爲曾祖是生京兆少尹河北採訪使府君諱恒爲王父少尹生

贈刑部侍郎衡州別駕府君諱平奉天之難寇兵圍逼時  
鳳翔已害其帥張鎰且應賊矣公與從父弟臯能扞朱泚  
於隴州斬其使者乃折其勢公乃間行西走奉天夜縋城  
下蠟丸發表具獻功狀德宗把手喜泣曰富貴惟卿所欲  
口授御史中丞公辭以素卑無貲願從州縣祿竟遂其志  
改萬年尉從上至興元道苦風疾廢居優游散地旣憮當  
世其後宜有達人娶彭城劉爲麟女而生公諱正貫字公  
理幼而神靈長而聰異目所繫覽不忘於心耳剽音聲洞  
識節奏季父太尉公臯特見器屬且必能大其家門故名

之曰臧孫年十有五先君歿於衡陽奉喪歸北裴僕射均在江陵故少公爲表弟欲擅有外家吉凶之事且致贈焉公泣曰不專於孤有諸父在如將聽命恐傷叔父之義不敢拜賜之辱蜀使俄至他日反告太尉深德異之旣除喪調補單父尉太尉有大功於國家德勢甚盛韋氏子姓可以坐掇朱青公深自懲刻遂博極羣書自三代已降損益制度無不稽其典要相國韋公處厚及韋湖南辭皆以學識相高每與公論推當世之務咸服其深切事情雖賈生不能過也長慶初遂棄官改名對賢良極諫策登乙卯科

授太子校書敬宗朝又以華原縣尉再登詳開吏理科遷  
萬年主簿考京兆進士能第上下頗得一時之俊彝授監  
察御史裏行爲北都留守推官入臺爲真監察避同儕素  
嫌辭不與齒除河南府司錄旋爲天平軍節度判官得改  
員外郎所奉之主卽故相國令狐公也丁內艱服闋故李  
相國紳請爲浙東團練副使賜緋魚袋後辭職居洛授檢  
校主客郎中知鹽鐵福先院非其好也擢萬年令澤州刺  
史又改太原行軍司馬兼御史中丞加金紫從狄僕射之  
幕徵爲太府少卿改泗州刺史厯光祿卿晉州刺史入拜

司農卿時內尚食供億縣官有闕爲其奏累貶均州刺史  
陞壽州團練使公當官劇據率有良算雖繁劇之來于變  
萬態一以成機應之故日用公事圭稜歲校能有餘裕所  
謂循良高妙無跡可尋者耶今上初卽位以理行徵拜京  
兆尹京師稱難治者日有生事隨時抵巇間不容髮未易  
以繩墨一面律也濶狹小失其機則見立敗雖有神明之  
用無及已公能勺藥其間安然無一事如弄小方州云奉  
南郊備赦令上下百役抑揚豪弱無不得其平居二年乞  
退除同州刺史長春宮使加左散騎常侍兼御史大夫百

粵之地其俗剽輕獵浮淫之利民罕著本又遠天子之法  
稅調裒急一舞於吏手故細胥假校益豪民用是困從公  
至鋤侵牟之窟削冒名之吏盡反爲民煩促頓舒流庸盡  
復先是海外蕃賈贏象犀貝珠而至者帥與監舶使必摟  
其偉異而以比弊抑償之至者見欺來者殆絕公悉變故  
態一無取求問其所安交易其物海客大至越人尚鬼事  
有寘冥者不質於醫而交於神寢以成風公醜其邪命撤  
屋塗扉禁絕紛紛之禱或曰將不利於公不聽他日秋水  
大溢將沒民居訛言毀神而致公譏服登城向水酌酒而

聲曰苟如云云長吏身存無嫁下人俄而斂退卒無害焉  
鍼育反正皆此類也政成亟上疏請覲優詔留之越三歲  
寢疾薨於位實大中五年七月二十三日享年六十有八  
天子爲之不視朝一日贈工部尚書明年二月庚申祔葬  
少陵原之世墓比薨醫問相屬比葬弔贈之使交逢凡在  
嶺之南軍吏與民及部屬鰥寡士子雖髫之族聞公之喪  
皆哭失市與宴公篤孝睦親羣昆弟之貧與子姓之孤者  
收接如歸婚配慰薦惟恐不得其所居弟誨之喪傷哭變  
白惻動君子與朋友盡誠信於然諾踐報之道不怠如癖

名人偉士多與深善樂後雋特露精誠比比得之力仁誦  
懲華侈下席之日家無池館疏屬出涕平生行事可知已  
娶監察御史博陵崔昇女先公而歿二子長曰參文太子  
校書次曰溫文華州參軍一女始歲方大病囑其後曰無  
厚葬無用鼓吹無煩謚於有司志我墓者無如故人趙君  
檜焉若夫碑則俾我外姪蕭鄴爲之銘庶乎實而詳也其  
敢以辭遂爲銘曰

雄操京兆奄宅大州太尉之後惟公得侯儒衣極摯公廉  
人優業術益然及親勇誼善植牧全始卒無媿融鴻清洋

式彌乃嗣茲圖石刻以永厥懿商伯以遷汪洋其源至漢始著聿爲盛門徙居杜陵承繼遂蕃用儒持家世世顯尊歷隋入唐或軒或廩起墜誠難肖隆匪易尚書之生實屬太尉有庸有基可席而位公獨後之子子自致追念顯考謔於其身如不我力曷顏於人由卑至鉅能以才振小大之治有脊有倫

李浩

浩昭宗時歷官金部郎中河南少尹國子祭酒詹事府丞

刊誤序

余嘗於學古問政之暇而究風俗之不正者或未造其理  
則病之於心爰自秦漢迨於近世凡曰乖盪豈可勝道哉  
前儒廣學刊正固已多矣然尚多漏畧頗惑將來則書傳  
深旨莫測精微而沿習舛儀得陳愚淺撰成五十篇號曰  
刊誤雖欲自申專志亦如路瑟以掇其譏也

裴敬

敬官祕書省校書郎

翰林學士李公墓碑

李翰林名白字太白以詩著名召入翰林世稱才名占得

翰林他人不復爭先其後以脅從得罪既免遂放浪江南  
死宣城葬當塗青山下李陽冰序詩集粗具行止敬嘗遊  
江表過其墓下愛其才壯其氣味其嗜酒知其取適作碑  
於墓且曰先生得天地秀氣耶不然何異於常之人耶或  
曰太白之精下降故字太白故賀監號爲謫仙不其然乎  
故爲詩格高旨遠若在天上物外神仙會集雲行鶴駕想  
見飄然之狀視塵中屑屑米粒蟲痏紛擾困蠶羈絆蹣跚  
之比又嘗有知鑒客并州識郭汾陽於行伍間爲免脫其  
刑責而獎重之後汾陽以功成官爵請贖翰林上許之因

免誅其報也又嘗心許劍舞裴將軍子曾叔祖也嘗投書  
曰如白願出將軍門下其文高其氣雄世稀其本懼失其  
傳故敘傳之太和初文宗皇帝命翰林學士爲三絕贊公  
之詩歌與裴旻將軍劍舞洎張旭長史草書爲三絕夫天  
付上才必同靈氣賢傑相投龍虎兩合可爲知者言非常  
人所知也夫古以名德稱占其官諡者甚希前以詩稱者  
若謝吏部何水部陶彭澤鮑參軍之類唐朝以詩稱若王  
江寧宋考功韋蘇州王右丞杜員外之類以文稱者若陳  
拾遺蘇司業元容州蕭功曹韓吏部之類以德行稱者元

魯山陽道州以直稱者魏文貞狄梁公以忠烈稱者顏魯公段太尉以武稱者李衛公英公以學行文翰稱者虞祕監唐之得人於斯爲盛翰林其以詩稱之一也予嘗過當塗訪翰林舊宅又於浮圖寺化城之僧得翰林自寫訪賀監不遇詩云東山無賀老却棹酒船迴味之不足重之爲寶用獻知者又於歷陽郡得翰林與劉尊師書一紙思高筆逸又嘗遊上元蔣山寺見翰林讚誌公云水中之月了不可取刀齊尺量扇迷陳語文簡事備誠爲作者附於此云會昌三年二月中敬自淠水草堂南遊江左過公墓下

四過青山雨發塗口徘徊不忍去與前濮州鄆城縣尉李  
劭同以公服拜其墓問其墓左人畢元宥實備灑掃留縣  
帛具酒饌祭公知公無孫有孫女二人一嫁劉勸一嫁陳  
雲皆農夫也且曰二孫女不拜墓已五六年矣因告邑宰  
李君都傑請免畢元宥力役碑專灑掃事嘻享名甚高後  
事何薄謝公舊井新墓角落青山白雲共爲蕭索巨竹拱  
木如公卓犖天長地久其名不朽此爲祭文寫授元宥又  
爲碑曰

貴盡皆然名存則難故余重名不重官作李翰林碑十五

字而已

裴素

素平州人寶歷初進士太和二年舉賢良方正直言極諫  
第三等官中書舍人

重修漢未央宮記

皇帝嗣位之年衆靈悅附日月所照莫不砥屬是以遠夷  
慕義琛賚鼎來用文明以爲理洞風露之所啟草木暢茂  
山川景清擊壤鼓腹莫識由乎帝力矣嘗因勝日聖思閒  
遠倦大廈之講習想鮮原之遊衍乃命法駕備宮馭細草

迎輦神飈引衣超然肆行造適自得視往昔之遺館獲漢  
京之餘址邈風光以遐矚眇思古以論都襟靈洋洋周視  
若感者久之於是召左護軍中尉志宏指示之曰此漢遺  
宮也其金馬石渠神池龍闕往往而在朕常以古事况今  
亦欲順考古道訓齊天下也至是遐厯恍然深念且欲存  
列漢事悠揚古風耳昔人有思其人猶愛其樹况悅其風  
登其址乎吾欲崇其頽基建斯餘構勿使華麗爰舉舊規  
而已庶得認其風烟時有以凝神於此也於是命工度材  
審曲面勢裁成法度以就斯宮攢櫨拱密玉石碧瓦龍錯

層軒鳥跋崇墉粉靜璇題月照舒廊四注以雲委隆臺分  
據而山屹蟠虬蜿蜒鱗動梠桷蹲獸却騁姿雄欄檻宏袤  
乎豁達跨臨乎涇渭綠竹凝遠繁松藹深奇樹流光丹墀  
迴遶於是闢戲馬之廣場開遠目之間館天地景新山川  
勢重迴太華之秀氣列終南之翠屏九嶺巖嶂而固護八  
水分流以紫帶而又揚太液之波繚周帝之垣原隰成文  
丹素含華翼樓杳以分張雄虹直而中峙神機一發廓若  
懸寓祥煙瑞彩鬱鬱葱葱瞻迴途以下濟撫璇璣而高視  
見秦川風物漢原邈迤感前王興廢知稼穡艱難吾君用

此鏡是非閫思慮豈獨資耳目縱遊玩也凡殿宇成構總三百四十九間工徒役指萬計武夫奮力將校呈規然而材匪藻悅塗惟儉靜經之營之不日而成也按漢史高祖初定天下悅卜洛之邑爲天地之中有周室遺風將都之婁敬諫曰陛下取天下與周室異不可居也夫洛陽四戰之地豈若秦川天府之國山河形勝真百二之勢乎高祖是日駕如長安其後七年北擊韓王信相國蕭何居守而營未央宮因龍首山作前後殿建觀闕街道周迴七十里臺殿四十所帝還見之怒曰何治宮室之過度也何曰天

予以四海爲家非壯麗無以重威德帝悅而就居焉自漢元年乙未歲至聖唐會昌元年之辛酉凡一千四十有七年矣其傾頽毀圮悠然邈然竟無有存之者我后緬慕古昔之興時卽其舊而新是圖築摧基而繩脩木不侈不約巍然嶷然時以通覽無方周視有截則有若志宏奉聖君之旨也志宏姓魚氏代宗皇帝之功臣朝恩之孫也以績効而封國公由忠義而位上將自總右廣貞心冠古陛下龍昇大寶光啟帝運左右同德東西一心變生人之耳目煥大明之徽懿武力忠壯元機天啟式是萬旅吾唐有人

由是委以腹心寄之環列上曰忠爲令德有若士良志宏  
爲吾左右矣明年上親見祖考郊天神雪灑川原塵清城  
闕陽和風扇綠野煙澹是月也三辰承初以表無事上乃  
顧新宮迴玉輦列騎雲動彩仗天旋乃出金風由是乎造  
於未央俯仰周視肅威神而煌煌遊焉息焉容與悅懌晴  
山屏開以四遶故城巒然而隱嶙鮮風美景薰然入座上  
從容言曰吾今建是殿且錫之以嘉名其殿曰通光其東  
曰韶芳亭其西曰凝思亭乃立臯門曰端門其應門題曰  
朱央宮所以志大臣之忠力且不忘吾好古也乃命侍臣

曰爾爲我記之刻以貞石傳示平不朽臣素任當承旨不敢固讓惶恐拜舞而文之時會昌元祀濡大澤之明月也謹記